

Ipmilbálvalusgirji 2011

Oppalaš mearrádusat váldoipmilbálvalusortnega várás

Dohkkehuvvon Girkočahkkimis 2011. Leat fámus 1. adveantasotnabeaivvis 2011 ja váldojit atnui manemustá 1. adveantasotnabeaivvi 2012 rájes.

Oppalaš mearrádusat Váldoipmilbálvalusortnega várás leat dohkkehuvvon Girkočahkkimis cuoŋománu 10.b. 2011. Mearriduvvon gonagaslaš resolušuvnna vuodul golggotmánu 13.b. 2006 mas lea vuodđun Norgga Gonagasriikka Vuoddoláhka miessemánnu 17. b. 1814, gč. § 16.

Oppalaš mearrádusaid oasit leat dát:

- A Njuolggadusat ja čilgehusat
- B Mearrádusat ovttaskas váldoipmilbálvalusaide
- C Mearrádusat Báikkálaš vuodđoortnega mearrideapmái
- D Mearridanváldi
- E Fápmuiboahtin ja gaskaboddosaš mearrádusat

A Njuolggadusat ja čilgehusat

1. ”Oppalaš mearrádusat Váldoipmilbálvalusortnega várás” ja ”Váldoipmilbálvalusaortnet” leat Norgga girku váldoipmilbálvalusa bajimus njuolggadusat.

2. Váldoipmilbálvalus lea searvegotti váldočoagganeapmi sotnabeivviid ja bassebeivviid, nu mo bisma dan mearrida, gč. Tjenesteordning for biskoper (Bismmaid virgeortnega (TOB) § 3)). Váldoipmilbálvalussan sahttet maid leat eará ipmilbálvalusat sotnabeivviid ja bassebeivviid, maid bisma ii leat mearridan, muhto maid searvegodderáddi lea mearridan, gč. čuoggáid 56-60.

3. Njuolggadusat čilgejít ovttaskas váldoipmilbálvalusa diliid (gč. B-oasi), searvegotti báikkálaš vuodđoortnega mearrádusaid váldoipmilbálvalusaaid várás (gč. C-oasi) ja mearridanváldi dáid hárrái (gč. D-oasi). Njuolggadusat láhčet dili nu ahte Norgga girku váldoipmilbálvalusaide šaddá oktasaš rámma ja sisdoallu.

Njuolggadusaid juohkit ná:

- Oppalaš mearrádusat
- Liturgijateaksta Váldoipmilbálvalusortnega olis
- Váldoipmilbálvalusortnega rávateavsttat (rubrihkat)

4. Oppalaš mearrádusat gusket maiddái eará ipmilbálvalusaide maid searvegoddi doallá váldoipmilbálvalusaaid lassin, dan muddui go dat gusket seammálágan diliide.

5. Njuolggadusain sahttá spiehkastit duššefal dalle jus ortnet ieš dahje iešguđet oasit addet dan vejolašvuoda.

6. Bisma sáhttá ohcama vuodul dohkkehít ahte searvegottit ain ovddasguvlui geavahit jagiid 1920 ja 1977 liturgijiaid dahje osiid dain, jogo fásta dahje dihto meari gerddiid juohke jagi. Bisma sáhttá dán dohkkeheami addit nealji jahkái ain hávil. Searvegoddečoahkkin galgá oažžut vejolašvuoda addit cealkámuša ovdalgo searvegodderáddi sádde dákkár ohcama bismii. Searvegottiide, mat geavahit sámegiela, guoská dálá liturgija dassážii go Váldoipmilbálvalusortnega sámegillii jorgalan gáhppálagat leat dohkkehuvvon.

7. Oppalaš mearrádusat Váldoipmilbálvalusortnega várás gusket maiddái gástii. Gč. Oppalaš mearrádusat gástta várás.

Čilgehusat

8. *Báikkálaš vuodđoortnet* lea dat mearrádusat váldoipmilbálvalusaid hápmái maid searvegodderáddi lea mearridan dan rámma ja mearrádusaid vuodul mat gullet Váldoipmilbálvalusortnegii, gč. C-oasi.

9. *Liturga* lea vihahuvvon báhppa, dahje eará olmmoš gean bisma lea fápmudan doaimmahit ipmilbálvalusaid ja gii vástida *guoski* ipmilbálvalusa ollisvuoda.

10. *Veahkkeliturga* lea olmmoš gii liturgga lassin doaimmaha liturggalaš meanuid ipmilbálvalusas.

11. *Girkomusihkkár* lea searvegotti kantor dahje organista. Ovttaskas ipmilbálvalusain (gč. B-oasi) oaivvilduvvo dás dat girkomusihkkár geas lea čuojahanbargu ipmilbálvalusas, ja báikkálaš vuodđoortnega dohkkeheimis (gč. C-oasi) guoská dat dasa gii lea bistevaččat virgáduvvon girkomusihkkárin.

B Mearrádusat ovttaskas váldoipmilbálvalusaide

12. Váldoipmilbálvalusa válmmasteapmái ja čáđaheapmái berre maiddái bargiid lassin bovdet searvegotti earáge olbmuid oassálastit. Ipmilbálvalusas galgá deattuhit oppalaš (universála) hámí.

13. *Liturgga* bargun lea vástidit ipmilbálvalusa ollisvuodas ja jođihit váldoipmilbálvalusa válmmasteami ja čáđaheami, gč. č. 71. Liturggas lea riekti mearridit buot diliin mas mearridanváldi ii leat biddjon earáide go liturgii (gč. Tjenesteordning for menighetsprester (Searvegoddebáhpaid bálvalusortnet) § 7).

14. *Girkomusihkkár* geas lea čuojahanbargu ipmilbálvalusas ovttasbargá liturggain válmmastit ja čáđahit ipmilbálvalusa ja son vástida ipmilbálvalusa musihkalaš ollisvuodas. Son galgá maiddái rávvet ja bagadallat eará mielbargiid geain leat musihkalaš barggut ipmilbálvalusas, gč. č. 73.

15. *Diakona ja katekehta* doaimmat ipmilbálvalusas čilgejuvvojit sierra njuolggadusain (gč). Retningslinjer for kateketens og diakonens gudstjenestelige funksjoner (Njuolggadusat katekehta ja diakona ipmilbálvalusdoaimmaide)).

16. Searvegodderádi mearridanváldi váldoipmilbálvalusa várás guoská dasa ahte mearridit báikkálaš vuodđoortnega.

17. Báhpas lea badjelis alba ja stola liturgalaš doaimmaid áigge váldoipmilbálvalusas. Liturgalaš biktasiid geavaheami birra eará oktavuodain gávnat dáppe: Retningslinjer for bruk av liturgiske klær (Liturgalaš biktasiid geavahannjuolggadusat).

18. Liturga galgá dárkkistit ovdal ipmilbálvalusa leago buot válmmastuvvon gástta, sárdnideami, ovddasrohkosa ja eahkedismállásiid doallamii dohkkehahtti vugiin ja ahte veahkkeliturga lea ožzon dárbbašlaš rávvagiid.

19. Girkobálvá, luhkkár dahje son gii doaimmaha luhkkárdoaimmaid, dárkkista leatgo girku ja girkodávvirat ortnegis ja válmmastuvvon geavahussii. Luhkkár sáhttá fuolahit veahkkeliturggaid bálvalusa ovttastahtima.

20. Searvegotti váldoipmilbálvalusaide galgá dábálaččat geavahit daid sálmmaid mat gávdnojít dohkkehuvvon sálmagirjiin ja Girkorádi sálbmačoakkáldatvuorkkás.

21. Searvegoddi čuožžila go lea

- álgomieđuš¹
- evangeliummieduš
- hallelujalávlla ja evangeliumčállaga lohkan
- oskkudovddastus
- jápmánolbmuid muittašeapmi
- eahkedismállásiidliturgija, prefašuvnna rájes gitta dassážii go eahkedismállásiid juogadeapmi álgá
- buressivdnádusa cealkin
- loahppamieđuš

Searvegodderáđđi mearrida Báikkálaš vuodđoortnega olis galgá go searvegoddi čuožžilit vuosttaš ja majemus sálmma lávlludettiin dahje eará sálmmaid ja osiid áigge, earret bajábealde namuhuvvon osiin.

22. Mielbargiid sadji girkus

Mielbargiid sadji girkus ipmilbálvalusa áigge, árvvoštallojuvvo dan mielde gokko lea heivvolaš sadji guđege girkus. Čalmmustahttin dihtii ahte liturga dat jođiha ipmilbálvalusa de berre son leat oidnosis koaras dahje áltára lahkosiin. Su sadji lea das go sus eai leat dihto doaimmat.

Veahkkeliturga lohká čálabihtáid ja rohkosiid dábálaččat lohkanbulppis.

23. Govven, jienaid- ja ealligovaibádden almmolaš geavahussii sáhttá dáhpáhuvvat dušefal dalle go liturga ja girkomusihkkár ovdalgihtii leaba miedihan dasa. Rávvagat priváhta govjemii, gč. č. 67.

¹ Sisaboahtinprosešuvdna

24. Váldoipmilbálvalusa vuodđohápmi ja vállooasit leat:

- I. Čoahkkaneapmi
- II. Sáttni
- III. Ovddasrohkos
- IV. Eahkedismállásat
- V. Vuolggaheapmi²

Vuodđohámis sáhttá spiekastit jus leat erenoamáš ákkat vuodđun. Bisma galgá dohkkehít spiekasteami. Ohcama sádde virgegeainnu mielde.

25. Njuolggadusat ipmilbálvalusa váldoiisiide leat biddjon rávateavsttaide mat gullet Váldoipmilbálvalusortnega iešguđet osiide, muhto maiddái čuovvovaččat:

I. Čoahkkaneapmi

26. Suttudovddastus sáhttá leat jogo čoahkkaneami oasis dahje ovddasrohkosa oasis. Searvegodderáđđi sáhttá bismmas ohcat ahte suttudovddastusa sadjái geavaha váldoipmilbálvalusa dohkkehuvvon rihppadovddastusortnega.

27. Gásta váldoipmilbálvalusas lea dábálaččat maŋŋil 7.oasi, Máidnun/Gloria.

II. Sáttni

28. *Čálalohkamii* galgá geavahit čálabihtáid mat leat Norgga girku dohkkehuvvon teakstagirjjis. Evangeliumčálabihtá lohkkojuvvo juohke váldoipmilbálvalusas.

29. *Sártni* vuodđun lea evangeliumčálabihtá dahje eará čálabihtá maid Girkoráđđi lea mearridan sárdnečálabihtán. Logusčállaga sáhttá lohkat dan sadjái go mearriduvvon čálabihtá sártni várás. Sierra dáhpáhusain sáhttá liturga válljet man nu eará čálabihtá ja sárdnidit dan vuodul.

III. Ovddasrohkos

30. Ipmilbálvalusa ovddasrohkos berre heivehuvvot báikkálaš dillái, ja dan sáhttá ainnas veahkkelitura jođihit.

Go ráhkada rohkosiid, de berre gielalaččat hábmet dadjanvugiid maiguin fátmasta buohkaid.

IV. Eahkedismállásat

² Vuolggaheapmi = loahpahansálbma, buressivdnádus, loahppasánit "mannet rafái ja bálvalehket Hearrá iluin" ja loahppamieduš

- 31.** Liturga jođiha eahkedismállásiid doaimmaheami. Liturga gii lea vihahuvvon báhppa geavaha meassobiktasa, gč. Retningslinjer for bruk av liturgiske klær (Liturggalaš biktasiid geavahannjuolggadusaid).
- 32.** Ovdalgo ipmilbálvalus álgá, de eahkedismállásiidviinni ja -láibbi sáhttá lágidit áltárbeavdái dahje liigebeavdái das bálddas dahje ipmilbálvalusa álggiidettiin guoddit áltárbeavdái dahje liigebeavdái. Liturga vástida ollislaččat das ahte lea doarvái ja heivvolaš láibi ja viidni eahkedismállásiidda.
- 33.** Eahkedismállásiidláibi sáhttá leat suvrra dahje suvrakeahtes láibi. Láibi sáhttá leat obláhtta, dahje sáhttá doadjalit bihtáid oktasašláibbis. Berre aivve geavahit glutenkeahtes láibbi eahkedismállásiidda daid olbmuid dihtii geain lea cöliaki. Obláhtat galget leat glutenkeahttát.
- 34.** Eahkedismállásiidda sáhttá geavahit vaikko guđe viidnešlája mii lea čielga, dábálaš vilges dahje rukses viidnemuorjeviidni. Sáhttá maiddái geavahit vaikko guđešlájat alkoholakeahtes viinni. Searvegodderáđđi mearrida viidnešlája. Eahkedismállásiidviidni, mas alkohola ii leat váldojuvvon eret, sáhttá seaguhuvvot gitta 50 % čáziin, ja dan mearrida searvegodderáđđi.
- 35.** Eahkedismállásiid juogadeapmi sáhttá dahkkot jogo nu ahte olbmot luoitádit áltárieggái (oktasaččat dahje jotkkolaččat) ja/dahje olbmot čuoččudettiin vuostáiváldet eahkedismállásiid eará sajes girkus. Jus olbmot vuostáiváldet eahkedismállásiid čuoččudettiin, de dábaččat juohkehaš ieš geige sierra juhkankálkka masa oažžu viinni. Intikšuvnna (buonjosteami) sáhttá maid geavahit.
- 36.** Liturga veahkkin sáhttet leat veahkkeliturggat geat leat mielde go eahkedismállásat válmastuvvojtit ja juogaduvvojtit.
- 37.** Liturga mearrida guđe rohkosa geavaha eahkedismállásiidda ja jođiha rohkosa. Liturga álo lávlu dahje lohká máidnuma álggahusa (prefašuvdnadialoga), bassi ásahusa sániid, dearvvaha searvegotti ráfidearvvuođaiguin, ja cealká suttuidándagassii buohkaide mannjil eahkedismállásiid. Veahkkeliturga sáhttá cealkit muhtin osiid eahkedismállásiidrohkosis. Eahkedismállásiin liturga juohká láibbi.
- 38.** Eahkedismállásiidláibi ja -viidni mat báhcet liiggás galget giedahallojuvvot árvvolaš vugiin.
- 39.** Buohkat geat leat gásttašuvvon, sáhttet oassálastit eahkedismállásiidda.
- 40.** Go eahkedismállásiidda bohtet olbmot geat eai dáhto eahkedismállásiid, de galgá son gii eahkedismállásiin juohká láibbi, cealkit buressivdnádusa sidjiide. Son jogo bidjá giedä sin oaivvi ala dahje russesta ja dadjá buressivdnádusa sániid (gč. Ordning for hovedgudstjeneste (Váldoipmilbálvalusortnega) 20. oasi). Son gii dáhttu dušefal buressivdniduvvot iige váldde eahkedismállásiid, čájeha dán go doallá olgeš giedä gurut oalaggi alde.
- 41.** Liturga sáhttá, jus gávnaha dan pastorála ja girkolaš ákkaid dihtii, gieldit olbmuid geat čielgasit ellet risttalaš oskku ja morála vuostá, boahtit eahkedismállásiidda. Jus liturga árvvoštallá gieldit

muhtima Norgga girku miellahtuin boahtimis eahkedismállásiidda, de galgá ášši buktojuvvot bismma ovdii.

V. Vuolggapeapmi

42. Dábálaččat geavahuvvo aronihtalaš buressivdnádus searvegotti váldoiipmilbálvalusain ja álohií allameassoipmilbálvalusain.

Mihtošat

43. Álgo- ja loahppamieduš. Miedušoassálastit ovddastit olles searvegotti. Álgomihtošis vázzet ipmilbálvalusa veahkeliturggat ja jus leat gástamánát/gástaolbmot oktan sin čuovvuiguin.

Jus ruossa guddojuvvo mihtošis, de gálgá son gii guoddá ruossá vázzit ovddemusas. Sii, geat guddet mieduščuovggaid, galget vázzit buohtalaga veahá maŋábeal su gii guoddá ruossa, gč. č. 67.

Álgomihtošis sáhttá maid guoddit eahkedismállásiid láibbi ja viinni, gástačázi, teakstagirjji dahje Biibbala ja eará gáhppálagaid mat govvidit ipmilbálvalusa vuodđosága. Liturga vázzá mihtoša majemusas.

Ovdal go mieduš vuolgá, sáhttá liturga dahje eará mielbargi rohkadallat oanehis rohkosa.

Álgomieđuš vázzá go álgghanmusihkka/ preludia čuojahuvvo dahje álgghansálbma lávlojuvvo.

Loahppamieduš vázzá loahpahanmusihka/postludia čuojahettiin dahje loahpahansálmma lávlludettiin. Liturga mearrida gokko guhtege mielbargi vázzá loahppamihtošis. Olles searvegodi čuovvola dábálaččat loahppamihtoša.

44. *Evangeliummieduš* sáhttá boahtit evangeluma lohkama oktavuođas. Evangelium-mihtoša áigge sáhttá searvegodi lávlut halleluja- dahje sálbmavearssa, dahje sáhttá leat sierra musihkka.

45. *Ávvomieduš*. Mieduš lea lunddolaš girkolaš allabasiid dahje searvegotti sierra ávvobeivviid áigge, ja nu maid konfirmašuvnnaid ja vihahemiid áigge. Ávvomihtoša váccidettiin sáhttet girkobiellut čuodjat dahje skájaidot dassázii go mieduš joavdá girkovissui.

Čuovggaid geavaheapmi

46. Cahkkehuvvon áltárčuovggat (ja beassáščuovga) govvidit ahte Kristus lea searvegotti mielde. Girkus geavahit dušefal vilges, buolli gintaliid. Norgga girku boares vieru mielde leat áltáris guokte ginttaljuolgi, goappásge okta ginttal. Jus áltáris leat ginttaljuolggit mat eai geavahuvvo ipmilbálvalusas, de daid váldá eret áltáris. Go girku viesu dahje girkolanja dávviriid dáfus lea lunddolaš, de sáhttá vuollegis gintaliid bidjat nuppegeahčái áltárbeavddi dahje bidjat gintaliid omd. alla ginttaljulaggiide mat čužžot láhtis.

47. Go girkus cahkkeha eará gintaliid, ovdamearkka dihte go lohká sierra čálabihtáid ja gástta oktavuođas (gástačuovga), berre ginttalcahkkeheapmái válđit dola áltárčuovggain dahje beassáščuovgas dan vieru mielde mii searvegottis lea. Searvegoderáđđi, ráđđálaga searvegotti

báhpaiquin, mearrida gástačuovggaid geavaheami, gč. č. 60. Dárkilit njuolggadusaid gávnnat dáppe: Retningslinjer om liturgisk inventar og utstyr (Njuolggadusat liturgalaš dávviriid ja gálvvuid várás).

48. Beassášginttal geavahuvvo vuosttažettiin beassášeahketipmilbálvalusas. Ginttal cahkkehuvvo ja sáhttá orrut áltára birrasis buot ipmilbálvalusain beassášbasiid áigge, gitta helloduorastahkii. Eará jagiáiggiid čuovga sáttá orrut gástalihti bálddas ja cahkkehuvvot gástta oktavuoðas.

49. Ginttaljuolgi/čuovgagloba sáttá biddjot heivvolaš sadjái girkus, áinnas korrii dahje boadáldahkii. Dán heiveha girkolatnji ja lágida heivvolaš sadjái buollinvára mielde. Beroškeahttá hámis galgá ginttaljuolggis/čuovgaglobas leat čuovga gasku mii doaibmá Kristusčuovgan. Geavaheami heiveha báikkálaš vieru mielde. Eambbo sáhtát lohkat dáppe: Retningslinjer om liturgisk inventar og utstyr (Njuolggadusat liturgalaš dávviriid ja gálvvuid várás).

Girkobielluid geavaheapmi

50. Geahča njuolggadusain Retningslinjer for bruk av kirkens klokker (Girkobielluid geavahannjuolggadusat).

C Mearrádusat Báikkálaš vuodđoortnega mearrideapmái

51. *Searvegodderáđis lea ovddasvástádus* hábmet evttohusa ja mearrida Searvegotti ipmilbálvalusaid báikkálaš vuodđoortnega. Searvegodderádi mearrádus čállojuvvo beavdegirjái.

52. Searvegodderáđđi sáttá nammadit ipmilbálvaluslávdegotti mii válmmasta ja ovddida mearrádusevttohusa.

Jus nammaduvvo ipmilbálvaluslávdegoddi, de suohkanbáhppa lea das mielde searvegotti ipmilbálvaluseallima jođiheaddjin, teologalaš ja liturgalaš fágaolmmožin, ja maiddái su vihanlohpádusa vuodul, gč. Ordning for vigslig av til prestetjeneste (Ornet Vihahit báhppabálvalussii) ja Tjenesteordning for menighetsprester (Searvegoddebáhpaid virgeortnet) § 10 nubbi lađas.

Girkomusihkkár lea mielde ipmilbálvalusjoavkkus go son vástida searvegotti girkomusihkalaš barggu ollisvuodas ja lea liturgihka ja girkomusihka fágaolmmoš. Gč. Ordning for vigslig av kantor (Ornet vihahit kanttor) č. 9, ja Tjenesteordning for kantor (Kanttorá bálvalusortnet) § 2.

53. Ovdal go Báikkálaš vuodđoortnet mearriduvvo loahpalačat, galget searvegotti báhpat, girkomusihkárat, katekehtat, diakonat ja eará mielbargit geat servet ipmilbálvalusdoaimmaide, oažžut vejolašvuoda buktit cealkámuša evttohussii. Das maŋŋil buktojuvvo evttohus *searvegoddečoahkkima* digaštallamii ja cealkimii, gč. č. 69.

54. Báikkálaš vuodđoortnet dohkkehuvvo mearriduvvon áigodahkii, áinnas 2 jagis 4 jahkái.

55. Searvegodderádi Báikkálaš vuodđoortnetmearrádus sáddejuvvo virgegeainnu mielde bismii, geas lea váldi dohkkehít dán (gč. TOB § 4). Ášsi mielddusin galget čuovvut searvegoddečoahkkima cealkámuš, searvegodderádi unnitlogu cealkámuš jus dat lea ja suohkanbáhpa cealkámuš jus dat lea.

56. Searvegoddái galgá boahtit dihtosii mearriduvvon Báikkálaš vuodđoortnet mii lea geatnegahtti ortnet. Searvegotti válđoipmilbálvalusat galget válmmastuvvot ja doaimmahuvvot dán vuodul.

57. Báikkálaš vuodđoortnet mearrida allameassu ja eará válđoipmilbálvalusaid. Eará válđoipmilbálvalusat leat válđoipmilbálvalusat mat searvegottis dábálaččat leat ja maid olbmot dovdet dihto hámis dahje báikkálaš sierralágantuodas.

58. Searvegodderáddi mearrida iešguđetlágan válđoipmilbálvalusaid mat čuvvot Válđoipmilbálvalusortnega oktan rávateavsttaiguin. Lea maiddái vejolaš geavahit ovddeš ortnegiid liturggalaš materiála mat leat dohkkehuvvon Norgga girku geavahussii, nu go Oaniduvvon allameassu, Sárdneipmilbálvalus jna., dalle go soahpá oktii Válđoipmilbálvalusortnegiin.

59. Oasit mat galget čuovvut buot válđoipmilbálvalusaid:

- Sálmmat
- Álggahansánit
- Čoahkkananrohkos
- Suttudovddastus
- Čálalohkan (Evangelium)
- Sárdni
- Oskkudovddastus
- Ovddasrohkos
- Áhčemin
- Buressivdnádus

Eahkedismállásat leat dábálaččat válđoipmilbálvalusas.

60. Iešguđetge válđoipmilbálvalusaid sisdoalu mearrideamis galgá čielggasmahttit guđet oasit leat álohií mielde ja guđií osiid sáhttá válljet váldit fárrui dahje guoddít. Dát mearrádusat doibmet válđoipmilbálvalusa rámman.

61. Muhtin osiin sáhttá eará giela geavahit go lea lunddolaš dan dakhak.

62. Báikkálaččat hábmejuvvon čoahkkananrohkos ja puttudovddastus mat geavahuvvojít ipmilbálvalusas dássedit, galget sáddejuvvot virgegeainnu mielde bismma dohkkeheapmái, dasgo bismmas lea bearráigeahččanovddasvástádus (gč. TOB § 1).

63. Sámegiela hálddašanguovllu searvegottit leat geatnegahettojuvvon vuhtiiváldit sámegiela ipmilbálvalusain. Dát geatnegasvuhta fievrriuvvo Báikkalaš vuodđoortnegii.

64. Searvegodderádis lea váldi mearridit čuovvovaš áššiid:

(Geahča dáid *osiid*: Váldoiipmilbálvalusa ortnet (VIB³). Gástaortnet (G⁴) ja Oppalaš mearrádusaid čuoggát váldoiipmilbálvalusa várás (č⁵) ja Gásta váldoiipmilbálvalusas (G č⁶)

- hábmet ipmilbálvalusa válmmastallanoasi (VIB laðas 1)
- válljet čoahkkananrohkosiid maid geavaha iešguđetlágan ipmilbálvalusain (VIB laðas 4)
- gástačuovggaid geavaheapmi (G kap. III)
- goas almmuha gástamána/gástakandidáhta dievaslaš nama (VIB laðas 3)
- goas ipmilbálvalusas lohká puttudovddastusa, ja makkár puttudovddastusa(id) geavaha iešguđetlágan váldoiipmilbálvalusain (VIB laðas 5)
- válljet guhtemuš Rohkosčuorvvas (Kyrie) ja Máidnunlávlla (Gloria) geavahuvvo (VIB laððasat 6 ja 7)
- iešguhtet litaniijaid geavaheapmi (VIB laððasat 6 ja 17)
- galgá go Otnábeaivvi rohkos geavahuvvot ja jus geavaha, guđe oasis (VIB laðas 8)
- galle čálabihtá lohká dain ovttaskas váldoiipmilbálvalusain (VIB laððasat 9-11)
- geavaha go apoastallaš ja/dahje nikealaš oskkudovddastusa allabasiid ja eará ipmilbálvalusaid áigge (VIB laðas 14)
- galgá go almmuhit diedáhusaid ipmilbálvalusas – ovddasrohkosa oasi álggus dahje eará oasis (VIB laðas 16)
- goas buktá ovdan vejolaš duodaštusaid, dearvvuođaid ja ávžžuhuvvon ovddasrohkosiid ipmilbálvalusas
- válljet ovddasrohkosiid ja searvegoddevástdusaid (VIB laðas 17)
- galgá go geavahit ortnega mas muittašit sin geat leat jápmán ja rohkadallat morašteddjiid ovddas manjjil ovddasrohkosa (VIB laðas 17)
- goas ja makkár vugiin giittosoaffar galgá dahkojuvvot (VIB laððasat 18 ja 19)

³ VIB sámegillii = HG dárogillii

⁴ G sámegillii= D dárogilli

⁵ č= čuokkis

⁶ G č. Sámegillii= D pkt. dárogillii

- válljet masa oaffar manná (Gl⁷ § 9 goalmmát laðas)
- goas galgá guddojuvvot girkui láibi ja viidni eahkedismállásiidda (VIB laðas 19)
- válljet geavahago rukses vai vilges viidnemuorjeviinni, alkoholakeahtes vai alkoholalaš viinni (č. 34)
- geavahago suvrra vai suvrakeahtes láibbi/obláhta eahkedismállásiidda (č. 33)
- gokko girkolanjas juogada eahkedismállásiid (áltárrieggás vai eará sájis girkus (č. 35, VIB laðas 21)
- eahkedismállásiid juogadanvuohki (č. 35, VIB laðas 22)
- Áhčemin-teakstahápmi (VIB laðas 20)
- Ráfidearvvaheami nuppi oasi geavaheapmi (VIB laðas 21)
- girkobielločuojaheami mearrádusat (č. 50)
- galgá go searvegodi čohkkát vai čuožžut vuosttaš ja majemus sálmma lávlludettiin ja vejolaččat eará sálmmaid lávlludettiin (č. 21)
- válljet liturggalaš musihka dáidda osiide:
- Rohkosčuorvvas (Kyrie), Máidnunlávlla (Gloria), Halleluja (laðas 12), Oskkudovddastus (Credo), Searegodddevástádus (Ovddasrohkos), Dearvvaheapmi (Prefašuvdnadialoga /vuorrorámádus), Bassi Bassi Bassi (Sanctus), Áhčemin, Ipmil Láppis (Agnus Dei), Buressivdnádus
- Oskkudovddastus (lohkut vai lávlut)
- Áhčemin (lohkut vai lávlut)

⁷ Gl = Girkoláhka = Kirkeloven

65. Báikkálaš vuodđoortnegis biddjojit searvegotti jahkeplánii válđoipmibálvalusaid njuolggadusat bismma mearrádusa vuodul. Searvegoderáddi mearrida čuovvovaš osiid:

- man dávjá galgá doallat iešguđetlágan válđoipmilbálvalusaid iešguđege girkus
- guđe girkus galgá ávvudit sierra allabasiid, dahje vuoruid mielde jagis jahkái
- mo searvegotti oskkuoahpahus ovttastahttojuvvo ipmilbálvalussii
- mo válđit vuhtii searvegotti plánaid eará surgiin, nu mo diakonijas, girkomusihkas ja mišuvnnas

Suohkanbáhppa jođiha jahke- ja jahkebealplána válmmasteami ráđđálaga eará bargiiguin. Searvegoderáddi galgá dohkkehít plána.

Dain girkuin gos eai doala allabasseipmilbálvalusa 1. beaivvi, sáhttá allabasseipmilbálvalusa doallat 2. beaivvi.

66. Báikkálaš vuodđoortnegis mearrida gásťtašeami birra válđoipmilbálvalusas:

- man dávjá sáhttá leat gásta válđoipmilbálvalusain
- mearriduvvogo galle máná/olbmo válđá gásťtašuvvot iešguđege ipmilbálvalussii
- goas gásta lea ipmilbálvalusas

67. Báikkálaš vuodđoortnegis mearridit geavatlaš beliid:

- mo geavahit girkolanjaid ipmilbálvalusas, dan ovdal ja maňjil
- mo geavahit veahkkeliturggaid ja eará vehkiid (č. 10)
- mo sii, geat eai leat vihahuvvon liturggat, geavahit liturggalaš biktasiid (č. 17)
- galgágo leat mieđuš, mieđušruossa ja mieđuščuovggat (č. 43)
- leago lohpi priváhta atnui govvet, jietnabáddet ja govvabáddet ipmilbálvalusas
- eará fásta dábit báikkálaš dárbbuid ja vieruid vuodul

D Mearridanváldi

68. Searvegoderáddi mearrida Báikkálaš vuodđoortnega ja sádde dan virgegeainnu mielde bismma dohkkeheapmái, geahča č. 55. Bisma dárkkista ahte báikkálaš vuodđoortnet soahpá

Válndoipmilbálvalusa mearrásusaide ja addá dieđu das. Bisma lea bearráigeahči ja sáhttá gáibidit rievdadusaid ja bagadallat searvegotti ipmilbálvaluseallima hárrái (TOB § 4).

Jus searvegodderáđdi Báikkálaš vuodđoortnegis mearrida doallat eanet ipmilbálvalusaaid go dat maid bisma mearrida, de galgá čielggadit ekonomalaš geatnegasvuđaid guoskevaš eiseválddiin (bismagodderáđiin ja /dahje oktasašráđiin).

69. *Searvegoddečoahkkin* mearrida válndoipmilbálvalusa giela ja giellahámi, maiddái jus dihto meari ipmilbálvalusain geavahit eará giela dahje eará giellahámi. Searvegoddečoahkkin vállje guhemuš dohkkehuvvon sálbmagirji galgá geavahuvvot (gč. Gl § 11).

Ovdalgo Báikkálaš vuodđoortnet mearriduvvo ja sáddejuvvo bismii, galgá searvegoddečoahkkin oažžut cealkit áššis, maiddái jus searvegodderáđdi dáhttu ohcat bismmas ovddeš liturgijaid geavahit, gč. č. 6. Searvegoddečoahkkin galgá beassat oaivila buktit jus rievdaa áiggi goas válndoipmilbálvalus dollojuvvo.

70. *Bisma* bearráigeahčá ahte bismagotti girkolaš ráđit doibmet evangelialaš–lutherlaš oahpa mielde (TOB § 1 goalmmát lađas). Bisma goziha ahte báhpat hálđdašit sakramenttaid, sárdnidit ja ieža ellet kristtalaš oskku mielde, nu mo dat daddjo min girku dovddastusas ja ortnegiin. (TOB § 1 nubbi lađas).

Bisma mearrida ipmilbálvalusaaid bismagotti báhppasuohkaniid girkuide (gč. TOB § 3) Dát mearkkaša ee. ipmilbálvalusaaid logu guđege girkui ja goas bismma mearridan ipmilbálvalusat dollojít. Dasto galgá bisma doaimmahit guoskevaš eiseváldidoaimma mii gullá liturgalaš mearrásusaide (gč. TOB § 4).

71. *Liturga* vástida ovttaskas ipmilbálvalusa ollslaš válmmasteami ja čađaheami ovttasráđiid eará bargiiguin ja eaktudáhtolaš vehkiiguin. Jus ovttaskas ipmilbálvalusaaid oktavuođas leat mánggat oaivilat, de liturga mearrida dán Válndoipmilbálvalusa mearrásusaaid ja Báikkálaš vuodđoortnega vuodđul.

Liturga mearrida :

- álgghahansániid
- lohpádussániid puttudovddastusa manjjil
- eará sárdnideaddji go liturga ieš
- sárdnešlája
- eahkedismállásiidrohkosa

72. *Veahkkeliturga* gii veahkeha juogadit eahkedismállásiid, galgá dábálaččat leat oskkoldatlaš rávisolbmo agis. Suohkanbáhppa dohkkeha eahkedismállásiid vehkiid.

73. *Girkomusihkkár* bagadallá ja rátve musikhalaš ovdanbuktimiid. Girkomusihkkára bargguid stivre virggi bargočilgehus. Kanttora bargguid ja ovddasvástádusa stivre kanttora virgeortnet ja bálvalusčilgehus.

74. *Katekehta ja diakona* ipmilbálvaluslaš doaimmaid stivrejít njuolggadusat mat gullet dáidda.

75. *Girkoráddi* sáhttá dárkileappot čilget Oppalaš mearrádusaid.

76. Girkoráddi mearrida Liturggalaš geahčaladdamiid (liturgiske forsøkssaker).

E Fápmuiboahtin ja gaskaboddosaš mearrádusat

77. Girkoráddi mearrida goas njuolggadusat bohtet fápmui.

78. Oppalaš mearrádusat bohtet dáid sadjái

I Felles veiledning (Oktasaš bagadus) (oppalašrávateavsttat-generalrubrikker)

II Váldoiipmilbálvalusat sotnabeivviid ja bassebeivviid

Áiggi vuollái dat boahtá maid dáid sadjái:

III Eará ipmilbálvalusat mat čuvvot girkojagi ja

IV Eará ipmilbálvalusat mat eai čatnas girkjahkái

Buot dáid gávnnat dáppe: Gudstjenestebok for Den norske kirke (Norgga girku Ipmilbálvalusgirji) (Verbum 1996).

Girkočahkkin dahká dárkilit mearrádusaid čuoggáide III ja IV.

79. Oppalaš njuolggadusat bohtet maiddái buot ovddeš njuolggadusaid sadjái mat ledje Girkorádis namain Geahčaladdamat jagjin 1995 – 2010, oktan guoski oppalašrávateavsttaiguin, oppalaš mearrádusaiguin ja dasa guoski rávateavsttaiguin, jus dát eai leat fárus dain Oppalaš mearrádusain ja rávateavsttain mat gullet Váldoiipmilbálvalusortnegii.

Dát guoská geahčaladdamiidda KR⁸-áššiin mearriduvvon ášsis 23/95 čuovvovaččaid hárrái:

- gástačuovga
- molssaevttolaš searvegoddevástádusat ja ovddasrohkosat Bearašipmilbálvalusortnegis
- molssaevttolaš ovddasrohkosat Allameassus
- biehttaleapmi ipmilbálvalusas
- sierra diliid mat gusket eahkedismállásiidda
- sálmmaid válljen mat eai leat sálbmagirjjis Norsk salmebok

Dasto velá dáid áššiid

⁸ KR lea dárogiella=mearkkáša GR(Girkoráddi)

- ášši KR 57/96 (KR 63/96) lasáhus sálbmagirjái Norsk salmebok (Salmer 1997)
- ášši KR 16/02 guđe sajis gásta lea ipmilbálvalusas
- ášši KR 17/02 konfirmašunáiggi rohkosat
- ášši KM⁹ 10/04 / KR 21/05 liturggalaš geahččaladdamiid guovllulaš dohkkeheapmi (gaskaboddosaš váldesirdin bismmaide)
- ášši KR 66/05 Geahččaladdat NT¹⁰-05 ipmilbálvalusas ja
- ášši KR 24/06 Ovddasrohkos Sámedikki ovddas

⁹ KM lea dárogiella: mearkkaša GČ (Girkočoahkkin)

¹⁰ NT lea dárogiella: mearkkaša OT (Odda testamenta)